



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita S. Liborii Episcopi, Calcvlo Laborantivm Patroni**

**Bolland, Johannes**

**Antverpiae, 1648**

Dolor Calcvli Ope S. Liborii sedatus Ameriae an. MDCXLVII. & MDCXLIX.

**urn:nbn:de:hbz:466:1-12748**



## DOLOR CALCULI

Ope S. LIBORII *sedatus**Ameria an. MDCXLVII. & MDCXLIX.*

1.



Eminum lubet attexere S. Liborij beneficium, ipsorum, qui id percepere, narratione testatum; alterius etiam, quod me penes est, chirographo. Est hic Romulus Cerichellus, Centurio Amerinus, vir genere clarus cum primis & honoratus. Is ad Abbatem Carlenum, veterem amicum & consanguineum suum, Ameriâ xxv. Aprilis, MDCXLVIII. ita scribit: Octo annis graui & assiduo vesicæ conflictatus sum morbo, vt postremis quatuor numquam nisi ardente intra cubiculum lucernâ somnum ceperim. Vrina sæpè cruenta, fœda semper, itaque mordens, vt expellere eam, quamuis creberrimè cieretur, nequirem, quin toto corpore sudor manaret. Iam nec equo vehi, nec laborem ferre vllum, exercitationemque corporis poteram. Nulla cibi erat appetentia, virium imbecillitas summa; neque hæc quiete releuari satis poterat, cum eam identidem vrinæ cupiditas difficultasque excuteret. Illud tandem sedit animo consilium, vt excindi mihi calculum, qui indubitata horum dolorum origo esset, curarem.

Romulus  
Cerichel-  
lus graui &  
diuturno  
calculi do-  
lore,

R.



Romamque eâ causâ eram ante biennium profectus. Sed absterruerunt isthic amici, negantes ei remedio opportunam adeo iam prouectam ætatem meam videri.

*per S. Liborij Reliquias,*

*liberatur;*

2. Dum his discrucior doloribus curisq; allatus Ameriam est cælestis illè thesaurus, abs Te, ad patriæ nostræ salutem, peregrè obtentus, S. Liborij venerabiles Reliquiæ. Has mihi admouit Episcopus noster; & pij quidam homines pro meâ incolumitate preces votaqué concepere. Post solemnem supplicationem Maio superiore institutam, quâ sacræ translatae reliquiæ sunt, quando S. Liborij opem quanto potui sensu pietatis imploraui, nihil ad hanc usque diem pristini doloris expertus sum, ac modò percommodâ vtor valetudine: ob quam immensas Deo laudes, sanctoque eius Confessori Liborio debeo; Tibique grates, Illustriss. Domine, cuius studio hunc adepti thesaurum sumus. *Ista Romulus.*

*& Ioannes Clementinus*

3. Ioannes Clementinus, & ipse Nobilis Amerinus, inq; militiâ Pontificiâ turmæ equitum ductor, cum hoc anno MDCXLVIII. sub initium veris, acutissimis calculi doloribus vrgeretur, humanis omnibus remedijs frustra tentatis, ad caelestia animam vertit, ac feruenter S. Liborium precatus, ad Augustinum Carlenum, summæ adis Canonicum, & domesticis quempiam allegat, qui ad se mitti oret eius Diui imaginem, impressam in rubrâ bysso. quâ inuoluta Reliquiæ fuerant, cum Monasterio Ame-



